

**Jizzax davlat pedagogika universiteti talaba-yoshlari o‘rtasida
“Antikorrupsiya bilimdoni” mavzusida o‘tkaziladigan
bilimlar bellashuvining
NIZOMI**

I. Umumiy qoidalar

1. Mazkur nizom universitetda tahsil oluvchi talaba-yoshlar o‘rtasida “Antikorrupsiya bilimdoni” mavzusida bilimlar bellashuvi (*keyingi o‘rinlarda – bellashuv deb yuritiladi*) o‘tkazish tartibini belgilaydi.

II. Bellashuvining maqsad va vazifalari:

2. Bellashuvining maqsadi:

talaba-yoshlarning huquqiy ongi va madaniyatini yuksaltirish, jamiyatda korrupsiyaga nisbatan murosasiz munosabatni shakllantirish, korrupsiyaga oid huquqbuzarliklarning oqibatlari, ularga imkon beruvchi sabablar va shart-sharoitlarni bartaraf etish yo‘llarini topish, hamda korrupsiyaning turlari, kelib chiqish sabablari va uning oqibatlari haqida ma’lumot berish, talaba-yoshlarning huquqiy bilimlarini oshirishga qaratilgan.

3. Bellashuvining vazifalari:

talaba-yoshlarning korrupsiyaga qarshi kurashish bo‘yicha savodxonligini oshirish;

jamiyatda korrupsiyaga nisbatan murosasizlik munosabatini shakllantirishga hissa qo‘shish;

jamoatchilik e’tiborini korrupsiyaga qarshi kurashish masalalariga qaratish;

korrupsiyaning oldini olish va unga qarshi kurashish jarayonlariga keng jamoatchilikni jalb qilish orqali samarali jamoatchilik nazoratini ta’minlash;

korrupsiyaga qarshi kurashish bo‘yicha xalqaro davlatlar tajribasini o‘rganish.

III. Bellashuvini tashkil etish va o‘tkazish tartibi

4. Bellashuv (tashkilotchisi) universitetning Korrupsiyaga qarshi kurashish “Komplaens-nazorat” tizimini boshqarish bo‘limi xodimlari tomonidan tashkil etiladi. Bellashuvda **kunduzgi, kechki va sirtqi ta’lim** talabalari ishtirok etishlari mumkin.

5. Bellashuvni tashkil etish va uni o‘tkazish bo‘yicha tashkiliy ishchi guruh zimmasiga yuklatiladi.

6. Har bir jamoada **6** nafardan iborat bo‘lgan ishtirokchi bo‘lishi va jamoa a’zolari bitta fakultetdan bo‘lishi shart.

7. Mazkur bellashuv jamoalar sonini inobatga olgan holda 3-bosqichda o‘tkazish nazarda tutiladi (agarda qatnashuvchi jamoalar soni 20 ta va undan kam bo‘lsa bellashuv 2-bosqichda o‘tkaziladi, 1-bosqichda yetarli ball to‘plagan jamoalar soni 8 nafardan oshmagan taqdirda 2-bosqich o‘tkazilmasdan qoldiriladi va jamoalar 3-bosqichga to‘g‘ridan-to‘g‘ri yo‘llanmani qo‘lga kiritadi).

8. Bellashuv quyidagi bosqichlarni o‘z ichiga oladi:

1-bosqich (15-18-noyabr)

Bellashuvda ishtirok etish istagida bo‘lgan talaba-yoshlardan tuzilgan jamoalarni

shakllantirish (ishtirokchilar arizalari qabul qilinadi). Ariza kelib tushgan jamolar sonidan kelib chiqqan holda, qur'a tashlash yo'li orqali guruhlariga ajratish.

2-bosqich (saralash bosqichi – 22-noyabr)

56 ball va undan yuqori ball to'plagan jamoalar keyingi bosqichga yo'l oladi;

1-5 savollar ochiq test shaklida bo'lib, har bir savolga to'g'ri topilgan javob uchun 5 balldan maksimal 25 ball beriladi;

6-8 savollar yopiq test shaklida bo'lib, har bir savolga to'g'ri topilgan javob uchun 10 balldan beriladi maksimal 30 ball beriladi;

9-savol korrupsiyaga qarshi kurashish bo'yicha dunyo reytingida yuqori o'rinda turgan xorij davlatlari tajribasi bo'yicha berilgan 10 ta savolga javob yoziladi, har bir to'g'ri yozilgan javob uchun 2 balldan maksimal 20 ball beriladi;

10-savol muammoli vaziyat korrupsion huquqbuzarlik sodir etilgan muammoli vaziyatni to'g'ri baholay olish, qaysi atamaga mos kelishini aniqlash, holat yuzasidan mavjud e'tiborli jihatlarni ajratish va bunday holatlarni oldini olish uchun o'z takliflarini asoslab yoziladi. Berilgan javoblar hakamlar hay'ati tomonidan maksimal 25 ball bilan baholanadi.

Berilgan savollarga javob yozish uchun jamoalarga "savollar varaqasi" tarqatiladi va javoblarni yozish uchun 15 daqiqa vaqt ajratiladi, faqat 10-savolga yozilgan javobni izohlash uchun jamoalarga 3 daqiqadan vaqt beriladi.

3-bosqich (saralash bosqichi – 27-noyabr)

Ushbu bosqichda O'zbekiston Respublikasi Konstitutsiyasi, Jinoyat kodeksi, Ma'muriy javobgarlik to'g'risidagi kodeksi va "Korrupsiyaga qarshi kurash to'g'risida"gi qonun asosida bilet savollari tuziladi va jamoalarning har bir ishtirokchisi bilet tanlab oladi hamda ushbu biletidagi savolga javob beradilar. Har bir to'g'ri javob uchun 10 balldan beriladi va jamoalar ushbu shartda maksimal 60 ball to'plashlari mumkin bo'ladi.

3-bosqichda eng yuqori ball to'plagan 6 ta jamoa hal qiluvchi 4-bosqich (yakuniy)ga yo'l oladi.

4-bosqich (yakuniy bosqich – 5-dekabr)

Bellashuvning yakuniy bosqichi quyidagi **3 ta shart** asosida o'tkaziladi:

1-shart. Tanishtiruv sharti. Jamoa nomini tanlay olganligi, ijodiy tarzda o'ziga xos sharxlay olishlari, korrupsiyaga qarshi munosabatni shakllantira olishi, korrupsiyaning salbiy jihatlarni ko'rsata olishi, o'ziga xos kreativ chiqishlari, saxnada o'zini tutish madaniyati hisobga olinadi. Ushbu shartga 10 daqiqa vaqt beriladi va 10 ballik tizimda baholanadi.

2-shart. Savol-javob sharti. Ushbu shartda har bir jamoadan bittadan ishtirokchiga 10 ta korrupsion atamalar, korrupsiyaga qarshi kurashish bo'yicha davlat siyosati, davlat hujjatlari, xorij tajribasida qo'llanilgan chora-tadbirlarga oid savollar beriladi. Har bir to'g'ri javob uchun ishtirokchi 1 ballga ega bo'ladi. Ishtirokchilarga javoblarni yozish uchun 8 daqiqa vaqt beriladi.

3-shart. Teatrlashtirilgan kompozitsiya - Sahna ko'rinishi sharti. Sahnaviy chiqishlarning "Korrupsiyaga qarshi birlashaylik" mavzusiga mosligi, o'tmish va zamonaviy muammolar nuqtayi nazaridan yondashilganligi, ijro davomida ishtirokchilarning sahna madaniyatiga rioya qilishlari – 3 ball; Ijodiy o'ziga xosligi, g'oyaning orginalligi, ishning sifati, tomoshabinda korrupsiyaga qarshi murosasiz kayfiyat uyg'ota olishi – 7 ball ya'ni maksimal 10 ballik mezonda baholanadi. Ushbu shartga 10 daqiqa vaqt beriladi.

IV. Baholash komissiyasi

9. Bellashuvda jamoalar universitet rektori tomonidan tasdiqlangan hakamlar hay'ati tomonidan baholanadi. Bellashuv natijalari hakamlar hay'ati bayonnomasi orqali tasdiqlanadi.

10. Tashkiliy ishchi guruhga quyidagi vazifalar yuklatiladi:

bellashuvni sifatli savollar bilan ta'minlash;

bellashuv Nizomi talablariga asosan odilona baholash.

11. Bellashuvda jamoalarning ballari teng kelib qolgan taqdirda Hakamlar hay'ati tomonidan qo'shimcha shart yoki savol beriladi va g'olib jamoa aniqlanadi.

V. Bellashuv g'oliblarini taqdirlash:

12. Bellashuvning g'olib 1, 2, 3-o'rin jamoalarini rag'batlantirish bilan bog'liq sarf-xarajatlarni budjetdan tashqari mablag'lar hisobidan quyidagi tartibda:

1-o'rin - jamoaga I-darajali diplom va 4 million so'm pul ;

2-o'rin - jamoaga II-darajali diplom va 3 million so'm pul;

3-o'rin - jamoaga III-darajali diplom va 2 million so'm pul bilan taqdirlanadi.

VI. Yakuniy qoidalar

13. Bellashuv natijalari ijtimoiy tarmoqlarda va rasmiy veb-saytlarda e'lon qilib boriladi.

14. Hakamlar hay'ati tomonidan belgilangan o'rin yuzasidan izoh berilmaydi. Qabul qilingan qarori muhokama etishga yo'l qo'yilmaydi.

**“Antikorrupsiya bilimdoni” mavzusida bilimlar bellashuvining
HAKAMLAR HAY’ATI TARKIBI**

No	F.I.Sh.		Lavozimi
1.	S.Nazarqosimov	-	Yoshlar masalalari va ma’naviy-ma’rifiy ishlar bo’yicha birinchi prorektor, hakamlar hay’ati raisi
2.	A.Umirzokov	-	Korrupsiyaga qarshi kurashish “Komplayens-nazorat” tizimini boshqarish bo’limi boshlig‘i, hakamlar hay’ati raisi o‘rinbosari
3.	J.Elmurotov	-	Talabalar orasida ijtimoiy ma’naviy muhit barqarorligini ta’minlashga mas’ul bo’lgan rektor maslahatchisi, a’zo
4.	B.Qo’shmuratov	-	Yoshlar bilan ishlash, ma’naviyat va ma’rifat bo’limi boshlig‘i, a’zo
5.	A.Abdurahmonov	-	Iqtidorli talabalarning ilmiy-tadqiqot faoliyatini tashkil etish bo’limi boshlig‘i, a’zo
6.	A.To‘rayev	-	Tarix fakulteti o‘qituvchisi, a’zo
7.	D.Bosimov	-	Korrupsiyaga qarshi kurashish “Komplayens-nazorat” tizimini boshqarish bo’limi bosh mutaxassisi, kotib

Universitetning 2024-yil
“_____” maydagi _____-sonli buyrug‘iga
3-ilova

NAMUNA

Jizzax davlat pedagogika universiteti
rektori prof. Sh.Sharipovga
_____ fakulteti dekanidan

ARIZA

“Antikorrupsiya bilimdoni” mavzusidagi bilimlar bellashuvda fakultet nomidan
“_____” jamoasi sifatida
quyida ma’lumotlari keltirilgan talabalar ishtirok etish uchun ruxsat so‘rayman.

T/r	F.I.O.	Guruh raqami	Telefon raqami	Imzo
1.				
2.				
3.				
4.				
5.				
6.				

Jamoa sardori: _____
F.I.O imzo sana

Fakultet dekani: _____
F.I.O imzo sana